

Bases do concurso para o deseño do cartel das Festas de Ourense 2019

A Concellería de Cultura do Concello de Ourense, convoca un concurso para a selección do cartel anunciador das Festas de Ourense 2019, de acordo coas seguintes bases

1.- TEMÁTICA

Os carteis serán representativos e estarán relacionados coas Festas da cidade de Ourense.

2.- PARTICIPANTES

Poderá concursar toda persoa física ou xurídica.

3.-RECEPCIÓN DAS OBRAS

As obras deberán ser inéditas e orixinais, e non poden ter sido premiadas anteriormente nin atoparse pendentes da resolución do xurado noutros concursos.

Os traballos serán entregados no Rexistro Xeral do Concello nun sobre, no que figurará **“Concurso carteis Festas 2019”**, baixo un pseudónimo ou lema, xunto con outro sobre pechado no que se incluírán os datos de identificación (obrigatorio: nome e apelidos ou razón social, DNI/NIF, teléfono de contacto así como a declaración responsable segundo o modelo que se anexa a estas bases).

Só se abrirá o sobre da obra que resulte premiada.

Os concursantes responsabilízanse totalmente de que non existen dereitos de terceiros sobre obras presentadas, así como renuncian a total reclamación por dereitos de imaxe.

As bases e a declaración responsable estará publicada na páxina web do Concello (www.ourense.gal), e na páxina web da Concellería de Cultura (www.ourensecultura.com).

O prazo límite para todos os efectos de presentación, será o venres, **7 de xuño**.

O deseño gañador será empregado como imaxe das Festas de Ourense. Os traballos que non resulten premiados poderán recollese nun prazo de 30 días seguintes á finalización do concurso, xuntando a folia que reciben en rexistro.

4.- FORMATO

Os carteis deberán de incluír obrigatoriamente o seguinte texto:

“Festas de Ourense 2019”

As obras serán presentadas en dous tipos de soporte:

- Gravados en alta resolución nun CD (lexible en PC), en formato editable: Adobe Photoshop, Illustrator o Freehand.
- Impresos e pegados sobre cartón pluma debidamente protexido de tamaño 50x70 cm. adoptando forma vertical.

Ademais, terán un espazo libre igual ou superior a 5 centímetros de alto no seu borde inferior para que, con carácter anterior á impresión, o Concello de Ourense poda incorporar os logotipos e lendas que considere oportunos. Se a execución técnica dos carteis requirise algunha modificación para a súa mellor impresión, o Concello de Ourense poderá impor esta variación logo da consulta co/ a autor/ a. Valorarase creatividade neste sentido e o encaixe do anagrama municipal.

O cartel elixido será utilizado tamén como imaxe gráfica integrante dos anuncios na prensa escrita, carteis, mobiliario urbano publicitario, e outros elementos divulgativos que, de selo caso, edite o Concello para promocionar o programa de actividades das Festas de Ourense e faranse as adaptacións que fosen necesarias para que os resultados acaden a mellor eficiencia en cada un dos soportes.

5.- PROPIEDAD DA OBRA

O cartel premiado deberán presentarse en formato electrónico para a súa mellor reprodución e adaptación, e pasará a ser propiedade municipal con todos os dereitos de libre reprodución e difusión.

6- PREMIO

O premio do concurso será de 1.000 € (mil euros) para o traballo gañador, que poderá ser declarado deserto se o xurado así o considerase oportuno.

É imprescindible facilitar a ficha de terceiros no prazo dos 10 días hábiles seguintes á notificación do premio. De non ser así, entenderase que o/ a agraciado/ a renuncia ao premio.

7.- XURADO

O xurado valorará o conxunto de traballos presentados tendo en conta a adecuación á temática, a orixinalidade e a calidade artística.. A decisión do xurado será inapelable e estará formado polas seguintes persoas:

Presidencia

Concelleiro/a delegado/a de cultura

(En caso de empate terá voto de calidade)

Vogais

Un/unha funcionario/a do Servizo de Cultura do Concello de Ourense.

Técnica de espazos expositivos do Servizo de cultura

Dúas persoas de recoñecida traxectoria nos eidos do deseño gráfico ou no das artes.

Secretario/a (sen voto)

Xefa de negociado de cultura ou funcionario que a substitúa.

8.- DECISIÓN DO XURADO

Farase público por comunicado oficial de prensa aos medios de comunicación e na páxina web do Concello www.ourense.gal e da Concellería de Cultura www.ourensecultura.com.

9.- ACEPTACIÓN DAS BASES

As persoas participantes, polo feito de concursar, aceptan todos os puntos contidos nestas bases e as decisións do xurado sen dereito a reclamación.

As persoas participantes autorizan o tratamento de datos persoais e a súa inclusión nun ficheiro xestionado polo Concello de Ourense coa finalidade de estatística. A persoa interesada poderá exercitar en todo momento os dereitos de acceso, rectificación, cancelación e oposición recoñecidos na Lei Orgánica 15/1999 mediante correo electrónico cultura@ourense.es ou por correo ordinario á Concellería de Cultura (rúa da Canle 2– 32005 Ourense).